



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 429. Usque Ad Annum 483

Fleury, Claude

August. Vind. [u.a.], 1759

VD18 90117816

§. 4. Epistola I. S. Cyrilli ad Nestorium.

[urn:nbn:de:hbz:466:1-66052](https://nbn-resolving.org/urn:nbn:de:hbz:466:1-66052)

§. IV.

Sæculum V.

A. C. 429.

Epistola I. S. Cyrilli ad Nestorium.

Sancto Cyrillo a viris, fide dignis, Alexandriam pervenientibus, relatum, quantum Nestorius irasceretur. Aliunde epistolam a S. Cœlestino Papa, & multis aliis Episcopis, qui cum eo erant, verosimiliter in Concilio congregati accepit; certiores reddebant, Sermonum Nestorii exempla ad se perlata, quærebantque, an ipse revera Auctor esset; cœterum, quæ continerentur, summopere sibi displicere. Ex omnibus etiam Orientis Ecclesiis adveniebant, hac de re querentes. S. Cyrillo, his omnibus compertis, impetus erat, ut, data epistola Synodali, Nestorio indicaret, se ultra cum eo, nisi sermonem, & mentem mutaret, communicare non posse. (*) Sed animo reflexit, ut ipse dicit, lapsis fratribus manus porrigendas, ut facilius surgerent, statuitque ad eum scribere, ut ad saniora reducere conaretur. In ea epistola, quia Nestorium sua potissimum epistola ad Solitarios offenderat: dicit: *Huic commotioni non mea epistola originem*

Epist. 1. ad Nest.

Ep. ad Cœlest. c. 14.

Ep. ad Nest. c. 6.

(*) Ex his liquet, S. Cyrillum minime dubitasse, quin Communio inter Ecclesiam Romanam, & Constantinopolitanam subsistat; liquet etiam, Interpretem Protestantem contra veritatem Historicam scripsisse, quod a tempore S. Joannis Chrysostomi schisma non amplius sublatum fuerit.

Sæculum V. A.C. 429. *nem dedit, sed scripta in vulgus sparsa, sive te, sive alio Auctore, prodierint; hæc tot turbas excitavere, ut remedium afferre coactus sim. Quæ tibi conquerendi, & contra me declamandi causa sit? tu turbarum istarum Auctor es! satius facies, si sermonem correxeris, scandalum omnibus datum tollas, & Sanctam Virginem Dei Matrem appelles. (*) Cæterum ne dubites, me pro fide JESU Christi carcerem, mortem, omnia, ferre paratissimum.*

c. 7. Nestorius ad hanc epistolam respondere nolebat; at Presbytero Alexandrino, cui eam S. Cyrillus ferendam dederat, vehementer instante, resistere non potuit. In ea responsione simulata comitate de leni violentiæ modo queritur, dicitque deinde: *experientia docebit, quem inde fructum tulerimus; ego quidem patientiam, & Charitatem fraternam conservo, quamvis eandem, ne quid gravius dicam, in me læseris.* Ex hac epistola intellexit S. Cyrillus, nullam emendationem sperandam, &, quæ deinde allata sunt, id ipsum multo clarius demonstrarunt.

§. V.

(*) Ecce usum antiquissimum Mariam Virginem appellandi Sanctam! Protestantes, imaginaria pietate in filium ejus injuriosi, omittendam hanc vocem putant.